

ПОВЕСТЬ О САВВЕ ГРУДЦЫНЕ

ПОВѢСТЬ ЗѢЛО ПОЛЕЗНА, ЯЖЕ БЫСТЬ ВО ДНИ НАША,
КАКО ЧЕЛОВѢКОЛЮБЕЦЪ БОГ ЯВЛЯЕТЬ НЕИЗРЕЧЕННОЕ
ЧЕЛОВѢКОЛЮБИЕ СВОЕ НАД НАРОДОМЪ ХРИСТИАНСКИМЪ.
ХОЩУ УБО ВАМЪ, БРАТИЯ, ПОВѢСТЬ ПРЕДИВНУЮ ПОВѢДАТИ,
СТРАХА И УЖАСА ДОСТОЙНУЮ, КАКО ГОСПОДЬ ДОЛГОТЕРПѢЛИВЪ
И МНОГОМИЛОСТИВЪ, МОЛИТВАМИ ПРЕСВЯТАЯ ВЛАДЫЧИЦЫ
НАШЕЯ БОГОРОДИЦЫ И ПРИСНОДЕВЫ МАРИИ ИЗБАВЛЯЕТЬ
РОДЪ ХРИСТИАНСКИЙ

Бысть убо во дни наша, в лѣто 7114-го (1605—1606) году, за умножение грѣховъ нашихъ попусти Богъ на Московское государство многомерзскаго отступника и еретика Гришку Отрѣпьева, похити престолъ Российскаго государства, разбойнически, а не царски восприят. Тогда по всему Российскому государству умножися злочестивая литва, и много пакости и разорения народомъ российскимъ на Москве и по градомъ творяху, и от того литовскаго разорения мнози домы своя оставляху, из града во градъ бѣжаху.

В то же время во граде Устюге некто быль житель града того Фома, по прозванию Грудцынъ-Усовъ, ихже родъ и доднесъ во граде томъ влечется. Той убо Фома, видя в России таковое нестроение и нестерпимыя пакости от нечестивых ляховъ и не хотя жити, оставляет великий градъ Устюгъ* и домъ свой и преселяется з женою в понизовый славный градъ Казань, зане¹ не бысть в понизовыхъ городехъ злочестивыя литвы. И живяше той Фома во граде Казани даже до лѣтъ благочестиваго царя и великаго князя Михаила Федоровича* всея России.

Имѧ же той Фома Грудцынъ сына единороднаго именемъ Савву, двунадесять лѣтъ возраста. Обычай же имѧше той Фома куплю дѣяти,* отезжая внизъ Волгою рѣкою, иногда к Соли Камской, иногда в Астрахань, иногда же в Персию в шахову область. *Тому же и сына своего Савву поучаше и нелѣдостно таковому дѣлу прилежати повелеваше, дабы по смерти его наследникъ былъ имѣнию его. По нѣкоем же времяни восхотѣ той Фома отплыти на куплю в шахову область*, и обычныя суда с товаромъ устроиша по обычаю. Сыну же своему Савве устроивъ суда собственные с особливыми товары, и повелеваетъ ему плыти к Соли Камской и тамо купечество дѣяти со всякимъ опасениемъ и прилежати повелѣваетъ. И потомъ обычное² цѣлованіе женъ своей и сыну подаде, пути касается в Персию. Мало же дней помедливъ, и сынъ его Сав-

¹ ибо, так как; ² здесь: прощальное.

ва на устроенныхъ судахъ по повелѣнию отца своего к Соли Камской плавание творить начинаетъ.

Достигшу же ему Усолскаго града Орла, аби¹ пристаетъ ко брегу, у некоего нарочита² мужа пребываетъ и обитаетъ в гостинице. Гостинникъ же той и жена его, помня любовь отца его, и не мало прилежание и великое ему благодѣяние творяху, яко о сыне своемъ. Он же пребыть у гостинника того немало времея.

В том же граде Орле нѣкто бысть мещанинъ именемъ Баженъ *Вторый*,^{*} уже старъ в лѣтехъ и знаемъ во многихъ градехъ, понеже богать зѣло, и попремногу друженъ отцу Саввину Фоме Грудцыну. Увѣдав же Баженъ *Вторый*, яко ис Казани Фомы Грудцына сынъ во граде обретается, и помысли въ себѣ: «Отецъ его со мною многую любовь и дружбу имѣлъ, азъ же нынѣ презрѣхъ³ его, но убо возму сына ево в домъ свой, да обитаетца у меня и питается со мною от трапезы моей».

И сия помысливъ, усмотря нѣкогда того Савву путемъ идуща, призвав же его к себѣ и нача ему глаголати: «Друже мой Савва! Или ты не вѣси⁴, яко отецъ твой со мною многую дружбу и любовь имелъ, ты же почто презрѣлъ еси и не присталь в домъ мой? Нынѣ не преслушай мя, прииди и обитай в дому моемъ и питайся общия трапезы моей. Азъ убо за любовь отца твоего вселюбезно, яко сына своего, прииму тя».

Слышавше Савва от мужа такия глаголы, велми радъ бысть, яко от такового славнаго мужа любовь такую принялъ. И приятень хощеть к нему быти, и ниско поклонъ отдаетъ, и немедленно от гостинника того отходитъ в домъ Баженов. И живяше во всякомъ благодарствии, радуяся. Мужъ же Баженъ старъ бысть, имѣл у себя жену младу, третьимъ убо себѣ бракомъ обрученну, и поять ея сущую дѣвою.*

Ненавиде же добра супостать диаволь, виде мужа добродѣтельное житие, и хотя возмутити⁵ домъ его, и *уязвляетъ*⁶ жену его на юношу онаго Савву к скверному смешению блуда, растлiti жену оную любовию к Савве. И начать уловляти юношу лстивыми⁷ словесы к грехопадению, блудно вѣсть бо женское естество, уловлять умы младыхъ отроковъ к блудодѣянію. И тако лестию той жены, *паче же* рещи от зависти диаволской, запят⁸ бысть, паде⁹ в сети к блудодѣянію, з женою оною несътно творяще блудъ и безвременно¹⁰ во ономъ дѣле скверно пребывающе с нею, ниже день воскресения, ниже праздника Господня знаша, но, забывъ страхъ Божий и часъ смертный, всегда в блуде пребываше, яко свиния в кале валяшеся.

И некогда же приспѣвшу празднику Воскресения Господа Бога и Спаса нашего Иисуса Христа, в навечерии праздника той муж Баженъ поимъ¹¹ юношу

¹ тотчас; ² именитого; ³ пренебрег им; ⁴ знаешь; ⁵ взволновать раздорами и смутой; ⁶ совращает; ⁷ коварными; ⁸ запнулся, споткнулся; ⁹ пал; ¹⁰ постоянно, всегда; ¹¹ взял.

онаго Савву с собою, и поидаша до святыя церкви к вечернему пънию. И ¹по отпущении вечерняго пъния¹ паки² придоша в домъ свой, и каждой на ложи своемъ возлагати спати нача. И егда Баженъ заспа крепко, жена же его, диаволомъ подстрекаема, воста от ложа своего, и прииде к постеле онаго юноши Саввы и разбуди³ его, понуждаше его к смешению блуда. Он же, аще и млад, но яко нѣкою стрелою страха Божия уязвленъ бысть и бояся суда Божия и часа смертнаго, помышляше в себѣ: «Како в таковыи Господский праздник азъ таковое скверное дѣло сотворити похощу?» И, сия помысливъ, начать отвращатися, с клятвою⁴ глаголя, яко «не хощу всеконечно погубити душу свою и в такой торжественный праздник осквернити тѣло свое». Она же несътно распалилася похотию блуда, понуждаше его ово⁵ ласками, ово прещениемъ⁶ нѣкимъ, угрожая ему, дабы исполнил желание ея. И много увещевала его, никако его возможе приклонити к воли своей. Видя же оная лукавая жена то, яко не возможе прелстити юношу к себѣ, абие⁷ злою яростю на юношу распалися и, яко лютая змия, востонавше⁸, отиде от ложа его помышляше волшебнымъ зелием опоить его и злыя свои помыслы сотворити хотя на него. И елико⁹ замысли, тако и сотвори.

Егда же начаша клепати ко утрени¹⁰, благолюбивы же оны мужъ Баженъ Вторый скоро воста от ложа своего, разбудив же и оного юношу Савву к заутрени. И отслушавше со вниманиемъ и страхомъ Божиимъ, и придоша в домъ свой. И егда же пристѣ время Божественнѣй литоргии, поидаша паки к Литоргии с радостию до святыя церкви. Проклятая же оная жена тщательно устроише волшебная зелия на юношу, яко лютая змия хотяще ядъ своей изблевати на него. По отпущении же Божественныхъ литоргии Баженъ и Савва изыдоша из церкви, хотяше итти в домъ свой. Воевода же града того пригласи Бажена, да обѣдуетъ с нимъ. Вопросил же и о Савве, чей есть и откуду онъ. Повѣдав же Баженъ, яко ис Казани, Фомы Грудцына сынъ. Воевода же пригласи и Савву в домъ свой, зане добре знающа отца его. Бывшу же в дому воеводскомъ, обычно трапезы причаствиши и возвратиша в домъ свой.

Бажен же повелѣ принести вина женѣ, да испиуть в дому своемъ чести ради праздника, ничтоже бо лукаваго умысления жены своей знаяше. *Она же, яко ехидна злая, скрываетъ злобу в сердцы своемъ* и подпадаетъ¹¹ лестию къ юноше оному. И принесену бывшу вину, наливаетъ чашу и подносит мужу свое му. Он же, испивъ, благодаря Бога. И потом вливаетъ сама себѣ, и потомъ, испивъ, наливаетъ отравнаго зелия и подносит Савве. Он же, нимало помысливъ, ниже бояся лукавства жены оныя, чающе¹², яко никоего зла мыслитъ на него, и безо всякаго размысления выпиваетъ лютое оное вино зелное. И се начать

^{1—1} после чтения священником молитвы, заключающей службу; ² опять, снова;

³ разбудила; ⁴ здесь: побожившись; ⁵ то; ⁶ угрозами, страшная; ⁷ тотчас; ⁸ застонав;

⁹ здесь: как; ¹⁰ звонить в колокол; ¹¹ подлаживается; ¹² думая, ожидая.

яко огнь горети в сердце его. Он же помышляше в себѣ, яко «*много различных питети пияхъ* в доме у отца моего, *такого пития* николиже пивахъ, якоже нынѣ».

Егда же испивъ пития онаго, начать сердцемъ болѣти и тужити по жене оной. Она же, яко лютая змия и лвица, яростю погледѣша на него и приветствіа не являше ему. Он же, сокрушаяся, по ней тужа. Она же начать мужу своему клеветати и нелѣпо¹ глаголати на него и изгнati его вонъ хотише из дома своего. Богоязливый же онъ мужъ, и жалѣя в сердце своемъ по юноше, обаче² уловленъ бысть лестию женскою, повелѣваet юноше изыти из дома своего, сказа ему вину нѣкую. Юноша же с великою жалостию отходитъ от него, тужа и сестя о лукавой женѣ оной.

И прииде в домъ гостинника, идѣже сперва живяше и *обитающе*. Он же вопрошаet ево, каковыя ради вины изыде вонъ из дома Баженова. Он же сказа ему, яко самъ не восхоте жити у него, а сердцемъ своимъ скорбя по той лукавой женѣ. И нача от великия жалости красота лица его изменятися и плоть его истончевати. Видев же гостинникъ юношу сетующа и скорбяща зѣло, нѣдоумѣвающе, что ему бысть.

Бысть же во граде томъ нѣкто врачъ, чарованиемъ³ своимъ сказуя, кому какая скорбь⁴ прилучится, он же знаетъ, кому жити или кому умрети. Гостинникъ же и жена его, благонравны суще, и немало попечение по юноше имѣяху. И призвавъ тайно волхва онаго, хотище увѣдати, какова скорбь приключися къ юноше. Волхвъ же оной посмотрѣ волшебныя своя книги, сказалъ имъ истинну, яко онъ никакой скорби юноша не иметь в себѣ, токмо скорбить по женѣ Баженовой, ибо в блудное дѣло впаде с нею, нынѣ же отстуженъ⁵ от нея бысть, и по ней тужа, и сокрушается. Гостинникъ же и жена его, таковая от волхва слышаше, и не имѣяше вѣры, занеже Баженъ мужъ благочестив и боялся Бога, и ни во что же то дѣло вмени. Савва же, непрестанно скорбя и тужа по ней день от дне, и истончи плоть свою, якобы кто великую скорбь и болѣзнь имѣлъ.

И нѣкогда той Савва изыде из града на поле единъ, и никого за собою или пред собою видѣ. И помышляше о разлучении своеемъ от жены оной. И, помысливъ такую злую мысль во уме своемъ, глаголя: «Егда бы *кто* от человѣкъ или самъ диаволъ сотворилъ бы сие, еже бы паки совокупитися з женою оною, азъ бы послужил диаволу». И такую мысль положи во уме своемъ, аки бы ума иступленъ бысть.

И идяше же единъ по пустыни⁶ и, мало пошед, слыша за собою гласъ, зовуще его: «Савва, Савва!» Он же, обратишася назад, зря за собою юношу к нему борзо текуще в нарочитом⁷ одѣяніи, махающе рукою, пождати себя повелевающе. Он же стоя, ожидающе, юноша же той *пришел* к нему, *паче же реци*⁸ *супостатъ* диавол, иже⁹ непрестанно рыщеть и ищеть человѣческия погибѣли.

¹ лживо; ² но; ³ чародейством; ⁴ болезнь, хворь, кручина; ⁵ отдален; ⁶ пустынному месту; ⁷ богатом; ^{8—9} вернее же сказать; ⁹ который.

И пришедъ к нему, по обычаю поклониша между собою, и глаголя бѣсъ к Савве: «Брате Савва, что убо яко чуждъ¹ бѣгаши от меня? Азъ убо давно ожидал тя, да како бы *пришел еси* ко мне и сродственную любовь имѣлъ. Азъ убо тя давно знаю, яко от рода ты Грудцынъ-Усовъ и града Казани. А о мнѣ аще² хощеши увѣдати, и я того же града Казани и недавно здѣсь пребываю ради конной купли. И убо по плотскому рождению братъ мы с тобою есмы, а нынѣ буди убо мнѣ братъ и другъ и не отлучайся от меня. Азъ убо вспоможения во всемъ тебѣ радъ чинить». Савва же, слышавъ от мнимаго брата, паче же реши от диавола, обаче таковыя к себѣ лепыя глаголы, вмени в правду, и велми о томъ возрадовашася, яко в такой далней и незнаемой стране сродника к себѣ обрете. И поидаша оба вкупе *по пустыни* оной.

И рече бѣсъ к Савве: «Брате Савва, какую ты скорбь имаши в себѣ, яко велми изчезе юношеская красота твоя?» Он же всяко лукаво³ сказывающе ему нѣкую скорбь быти в себѣ. Бѣсъ же усмѣхнувшись и рече ему: «Что убо скрываеши от мене? *Аз бо вѣм скорбь твою*, азъ убо помогу скорби твоей». Савва же рече: «Аще убо истинно вѣдаши скорбь мою, то поиму вѣры, яко можеши мнѣ помоши подати». Бѣсъ же рече ему: «Ты убо сокрушаешися по женѣ Баженовой, зане еси отлучен от любви ея. Да что мнѣ даси⁴, азъ учиню ти с нею по-прежнему в любви быти». Савва же рече: «Азъ убо, елико⁵ имамъ здѣсь товаровъ отца своего и прибытковъ, все тебѣ отдаю. Токмо прошу, братецъ, сотвори ми по-прежнему любовь имѣти з женою оною». Бесъ же, расмеявся, рече ему: «Почто убо искушаши мя? Азъ убо вемъ, яко отецъ мой седмерицею богатее тебя и отца твоего, что ми будетъ в товарехъ твоихъ? Но дажь мнѣ на себя рукописание малое некое, азъ исполню желание твое».

Савва же радъ бысть, яко «богатство отца моего все цѣло будетъ, и азъ дам ему рукописание, что велить написать». А в какую пагубу хощеть *впасти*, того не вѣдая, *еще* и писати и ниже слагати⁶ совершенно⁷ не умѣя. О безумный юноша! Како уловленъ женскою лестию, тоя ради хощеть в такую пагубу пасти к диаволу! И егда бѣсъ рече к Савве словеса тои, он же с радостию обѣщаши дати ему рукописание. Мнимы же его братъ скоро вземъ изо чпага⁸ свою хартию⁹ и чернила, даетъ юноше и повелѣваетъ немедленно написати писание. Савва еще и совершенно не умѣяше писати, и елико бѣсъ сказываше ему, Савва же тако и писаше, не слагая. И тем писаниемъ отречеся от Христа, истиннаго Бога, и предадеся в служения диаволу, мнимому своему брату. И поидаша убо во градъ Орель.

Вопроси же Савва бѣса: «Повѣждь ми, брате, гдѣ обитаешися, да увемъ¹⁰ домъ твой?» Бѣсъ же рече ему: «Азъ убо своего дому не имѣю, гдѣ мне

¹ как чужой; ² если; ³ притворно; ⁴ дашь; ⁵ сколько; ⁶ излагать; ⁷ в совершенстве; ⁸ из кармана, сумы, кошеля; ⁹ пергамен (здесь: лист хорошей бумаги, использовавшейся для документов); ¹⁰ узнаю.

прилучится, тамо и ночую. Аще ты хощеши видетися со мною часто, то ищи меня на конной площадке, яко здѣ живу для конной купли. Азъ же самъ не облениуся, часто стану тебя посещати. Ты же, Савва, иди к лавке Баженовой, вѣм бо, с радостию он призоветъ тя в домъ свой». Савва же по глаголу брата своего диавола с радостию притече к лавке Баженовой.

Бажен же, егда увиде Савву, усердно приглашаše к себѣ, глагола: «Господине Савва, какую злобу сотворил тебе я? Пото изшелъ еси из дому моего? Молю тя, прииди паки обитать в дому моемъ. Азъ убо за любовь отца твоего яко присному своему сыну радъ тебѣ всеусердно». Савва же, егда услыша от Бажена таковые речи, тече в домъ Баженовъ. И жена его, увидевъ Савву, и диаволскимъ жалом подстрекаема, радостно течаше и стречает его со всякимъ ласканиемъ и лобызаетъ его. Он же уловленъ бысть женъскою лестию, паче же диаволомъ, паки запинается в сети блуда с проклятою оною женю. Савва же не знаше ни праздника, ниже воскреснаго дне, ниже страха Божия помня. Непрестанно с нею в кале блуда, аки свиния в кале, валяшеся.

По многом же времени абие входитъ слухъ во градъ Казань к матери Саввиной, яко сынъ ея живет неисправно и непорядочное житие имѣеть. Елико было с ним отеческихъ товаровъ, все изнуриль¹ въ пьянстве и блуде. Мати же, о нем таковое слыша, и непостоянством зѣло огорчися, и пишетъ к нему писание, дабы оттуда возвратился во градъ Казань в домъ отца своего. Егда же прииде к нему писание, он же, прочетъ, посмѣялся и ни во что же вменилъ. Она же паки посылает второе писмо, и третие, ово с молениемъ, ово и с клятвою², и заклинаеть его, дабы немедленно оттуду ехал во градъ Казань. Савва же нимало внятъ матернѣе моление, и клятву ни во что же вмени, токмо в несытстве блуда упражняшеся.

По нѣкоем же времени поемъ³ бесъ Савву, и поидаша оба из града. И глаголетъ бѣсь Савве: «Брате Савва, вѣси ли ты, кто есмъ азъ? Ты убо мниши мя совершенно быти от рода Грудцыныхъ, но нѣсть тако. Нынѣ за любовь твою повѣм ти всю истинную, ты же не убоися, ниже устыдися братом звати меня. Азъ убо совершенно возлюбих тя во братство себѣ принять. Но аще хощеши о мнѣ вѣдати, азъ убо есмъ сынъ царев. Поидемъ прочь, да покажу ти славу⁴ и братство отца моего».

И сия глаголя, прииде в пустое мѣсто на некої холмъ показа ему в нѣкоей раздолинѣ⁵ град великъ и велми славенъ, **стѣны и помостъ и покровы⁶ от злата чиста блистаяся. И рече ему бѣсь: «Сей есть градъ творения отца моего. Поидем убо и поклонимся купно отцу моему. А еже ми дал еси писание, ныне вземъ, сам вручи его отцу моему, и великою честию будеши почтенъ от него». И сия изглагола, бѣсь отдаётъ Саввѣ богоотметное писание.

¹ расточил, извел; ² с проклятием; ³ взял; ⁴ величие, блеск; ⁵ в логу, в долине; ⁶ кровли.

Оле¹ безумия отрока! Вѣдый бо, яко никоторое царство прилѣжитъ в близости к Московскому государству, но все обладаемо царемъ московским. Аще бы тогда вообразилъ на себѣ образъ креста честнаго, вся бы сия мечты² диаволския, яко сѣнь³, погибли бы. Но на предлежащее возвратимся.

*Внегда же приидоша к привиденному оному граду и приблизився им ко вратам града, срѣтают⁴ их юноши темнообразни в ризахъ и поясы украшены златыми, и тицанием⁵ покланяющеся, честь воздающе сыну цареву, паче же рещи бѣсу, такожде и Саввѣ покланяющеся. Вшедшим же им во дворъ царевъ, паки срѣтают ини юноши, ризами блестающеся паче первых, такожде покланяющеся им. Егда же внидоша в полаты царевы, аbie друзии⁶ юноши срѣтают ихъ с честию. И⁷диаволом превозходящем⁷, воздающе достойную честь сыну цареву и Саввѣ. Вшедшим же в полату, глас бысть Саввѣ: «Брате Савво, пожди мя здѣ мало. Азъ убо шедъ, возвѣщу о тебѣ отцу моему и веду тя к нему.** Егда же будеш пред отцемъ моимъ, ни тоже размышляй или убоися, подаждь ему писание свое». И се рекъ, поиде бѣсь во внутреннюю полату и оставилъ Савву единаго. И, помедливъ тамо мало, и приходитъ к Савве и поемъ его и приведоше пред лице царя.*

Он же седя на престоле велице, драгимъ камениемъ и златом преукрашен, сам же той славою велицею и одѣяніемъ блесташеся. И около его стояща множество юношей крылатыхъ, лица же ихъ овыхъ сини, овыхъ багряны, иныя яко смола черная.* Пришедши же Савва пред лице царя онаго, падъ на землю, поклониша ему. Вопроси же его царь: «Откуду пришелъ еси семо⁸ и что есть твое дѣло?» Безумный же Савва подносить ему богоотметное писмо свое, глаголеть, яко «придохъ, великий царю, послужить тебѣ». Древний же змий Сатана приемлетъ писание и прочеть его. Обозреся к темнообразнымъ своимъ воиномъ, рече: «Аще ли прииму сего отрока, не вѣмъ, крепок ли онъ будетъ намъ или нетъ?» Призвавъ к себѣ сына своего, Саввина любимаго брата, глаголя ему: «Иди, прочая⁹, и обѣдай з братомъ своимъ». И тако оба поклонишася царю, изыдоша в преднюю полату и начаша обѣдати.

Неизреченныя благовонныя яди¹⁰ приношаху, такожде и питие, яко дивишася¹¹ Савва, глаголя, яко «никогда в дому отца моего таковыхъ ядей не вкушать или пития испихъ». По ядении же поемъ бѣсь Савву и поидаша паки из града царева и изыдоша вон. Вопроси же брата Савва своего, бѣса, глаголя: «Что, брате, яко видехъ у отца твоего окресть престола множество юношей крылатыхъ стояща?» Бѣсь же, усмѣхнувся, рече ему: «Или ты не вѣси, яко у отца моего мнози языцы¹² служат, персиды, турки, арапы и ины мнози? Ты же не дивися сему и не сумневайся братомъ звати меня. Азъ убо тебѣ менши братъ. Ток-

¹ о (междометие); ² наваждение; ³ тень; ⁴ встречают; ⁵ усердно, старательно; ⁶ другие; ^{7—7} когда проходили черти; ⁸ сюда; ⁹ пребыв в ожидании; ¹⁰ яства; ¹¹ дивился, удивлялся; ¹² народы.

мо елико аще реку тебе, и ты во всемъ буди мнъ послушенъ. Азъ же всякаго добра рад тебе дѣяти и споможение во всемъ творити». Савва же во всемъ обѣща-ся послушенъ быти, и тако уверишася¹.

Паки придоша во градъ Орель, и оставилъ бѣсь Савву. Савва же паки прииде в домъ Баженовъ и пребываше в прежнем скаредномъ дѣле. И в то время прииде во градъ Казань ис Персиды со многими прибытки отецъ Саввинъ Фома Грудцынъ. И яко обычное цѣлование подаде женъ своей, и вопрошаешь о сыне своемъ, жив ли есть сынъ или нетъ. Она же повѣда ему, глаголя, яко «от многихъ слышахъ², что по отшествии твоемъ в Персиду отеде он к Соли Камской, тамо и доднесъ живеть житиемъ неудобнымъ³, и непорядочно все богатство избылъ в пьянстве и блуде. Азъ же много писавъ к нему, дабы возвратился в домъ нашъ, он же ни единой отповѣди⁴ не даде мне. Живъ ли есть нынѣ или нѣть, о семъ не вѣмъ».

Фома же, слышав от жены таковые глаголы, зѣло смутился и скоро написав епистолию со многимъ молениемъ, дабы безо всякого размысления оттуда ехаль во градъ Казань, «да увижу, чадо мое, красоту лица твоего, понеже давно не видахъ тя». Савва же таковое писание принялъ и прочетъ, ни во что же вменивъ, ниже помыслиль ехать ко отцу своему, токмо упражняшеся в ненасытном блуддении. Видев же Фома, яко ни во что вмѣняетъ писание его, повѣлеваетъ готовити суда с товары, и пути касается к Соли Камской, яко «самъ поиму его в домъ свой».

Бѣсь же, егда увѣда, что отецъ его, Саввинъ, путешествие творить к Соли Камской, хотя Савву поимати, сына своего, и привести во градъ Казань, и абие бѣсь к Савве рече: «Брате Савва, доколе здѣ во единомъ граде маломъ намъ жити будетъ? Пойдем во иной градъ и погуляемъ, и паки семо приидемъ».

Савва же нимало отречеся⁵, глаголя ему: «Брате, како идемъ, то пожди мало, да возму от богатства моего». Бѣсь же возбранише⁶ ему, глаголя: «О семъ не веси ли ты славы отца моего, како слава его вездѣ есть? Гдѣ приидемъ, тутъ и денегъ у насъ много будетъ, елико потребно». И поидоша из града Орла никому же вѣдомы, ниже той и самъ Баженъ, и ни жена его увѣдавши.

Бѣсь же Савву постави во единую нощь от Соли Камской на реке Волге во градъ, нарицаемый Козмодемьянскъ, а растояние имѣюще от Соли Камской тысяча и больше поприщ⁷. И глаголеть бѣсь к Савве: «Аще кто тя узрить знаемый здѣсь, и откуду пришелъ еси спросятъ, ты же глаголи: от Соли Камской в третью неделю придохомъ». Савва же глагола, елико заповѣда ему бѣсь. Тако пребывавше в Козмодемьянском несколко дней.

И паки бѣсь поемъ Савву, и об едину нощь оттуда придоша на реку Оку в село, нарицаемое Павловъ Перевозъ, и бывши тамо в день четверга. В той бо

¹ говорились, присягнули друг другу; ² слышала; ³ негодным; ⁴ ответа; ⁵ не отказался; ⁶ запретил; ⁷ здесь: верст.

день в томъ селъ торгъ бывше. Ходяще же они по торгу, узрев же Савва нѣкоего старейша нища мужа стояще, зѣло худо одѣяніе на немъ. И зряще на Савву велми прилежно и плачуще горко. Савва же отиде мало от бѣса и притече к старцу оному, хотя увѣдати вину¹ плача его. И притече к старцу, рече: «Кая ти, отче, вина плача твоего, яко тако неутѣшно плачешися?» Старецъ же глагола ему: «Плачу, чадо, о погибѣли души твоєя. Не вѣси бо, погубиль еси ты душу свою и волею предался диаволу. Веси ли, человѣче, с кемъ нынѣ ходиши и кого себѣ братомъ называєши? Но сей не человѣкъ, но бѣсь с тобою ходить, доводить тя до пропасти адской». Егда же изрече старецъ к Савве глаголы сия, он же обозревся на брата своего бѣса. Он же издалеча стояше, угрожая ему. Савва же оставилъ святаго старца, скоро притече к бѣсу. Он же велми начать поносити его и глаголати: «Чего ради с такимъ душепагубцомъ сообщился еси? Не знаєши ли сего лукаваго старца, яко многихъ погубляет, на тебѣ же, видя одеяние нарочито, и глаголы к тебѣ лестные испущает, хощетъ тебя от людей отлучити и до смерти удавити и содрать с тебя одѣяніе. И егда аще оставлю тя единаго, то вскоре имаши погибнуть». И сия изрече со гневомъ, и потомъ поемъ Савву, оттуда приходитъ во градъ, нарицаемый Шую, и тамо пребываху неколикое время.

Фома же Грудцынъ-Усовъ пришедъ во градъ Орелъ и вопрошаєтъ о сыне своемъ, и никто можетъ повѣдати ему о немъ. И вси дивляхуся, яко предъ его приездомъ сынъ его во граде живяше и всемъ видимо. Егда же внезапу скрылся, никтоже вѣсть. И глаголаху, яко «убоялся приезду твоего, зане все здѣсь избыль именія твое и богатство, и сего ради скрылся». Паче же всехъ Баженъ и жена его дивишаася, глаголаху: «В сию ночь спаше у насъ, заутра же пошедь не вѣмъ куды, мы же ожидахомъ его обѣдати, он же от того часа нигдѣ же не явившася во граде нашемъ. А куда поиде, азъ и жена моя не вѣмы».

Фома же слезами облияся, ожидаше сына своего, и возвратися в домъ свой, и нерадостной случай возвещаетъ женѣ своей. И оба вкупе сетуя и скорбяще о лишении сына своего, и в таковомъ сетовании Фома, поживъ неколикое время, ко Господу отиде. Жена же его осталася вдовою.

Бѣсь же и Савва живяше во граде Шуе, и в то время благочестивый великий государь, царь и великий князь Михаил Феодорович всеа России изволилъ послать воинство свое противъ короля полскаго под градъ Смоленскъ. И по ево, великаго государя, указу во всей России набираху новобраныхъ салдатъ.* Во градъ Шую и для набора салдатскаго прислан былъ с Москвы столпникъ Тимофей Воронцовъ, и новобраныхъ салдатъ по вся дни воинскому артикулу учаша. Савва же и бѣсь поидоша для смотрения ихъ. И рече бѣсь к Савве: «Брате Савва, хощеш ли ты послужить царю? Да запишемся в салдаты». Тако и записашася в салдаты, и нача ходити на учение. Бѣсь же Савве в воинскомъ учении такову мудрость дарова, яко и старыхъ салдатъ лутче и начальниковъ всѣхъ

¹ причину.

во учении происходит¹ лутче жъ. Сам же бѣсь слугою за Саввою ходяше и оружие носяще за нимъ.

Егда же всехъ новобраныхъ салдатъ приведоша въ Москву и отдаша ихъ въ научение немъцкому полковнику, той же полковникъ, егда прииде къ полку водити салдатъ на учении, и видя Савву млада суща, а въ учении воинскомъ зѣло изрядно поступающе и ни малого порока во всемъ артикуле не имѣюще, и многихъ старыхъ воиновъ и начальниковъ превосходяще, и велми удивися остроумию его. Савва же сказа ему всю истинную, какаго рода онъ. Полковникъ же велми его возлюби и назва его сыномъ своимъ, даде ему шляпу зъ главы своея и вручи ему три роты новобраныхъ салдатъ, да вмѣсто его устрояеть и учить той Савва.

Бѣсь же тайно припаде къ Савве, рече ему: «Брате Савва, егда недостатокъ денегъ будеть ратнымъ людемъ на жалованье, тогда повѣждь мне. Азъ тебѣ принесу, елико тебѣ потребно будетъ, дабы въ командѣ твоей роптания и жалобы не было на тебя». И тако у онаго Саввы все салдаты во всякой тишине и въ покое пребываху, въ прочихъ же ротахъ молва и мяtekъ бысть непрестанно, яко иногда отъ глада и наготы, не пожалованы, и по миру ходятъ. И вси дивляхуся остроумию Саввину.

По нѣкоемъ же случае явственно учинися о немъ и самому царю. Въ то же время въ Москве и немалу власть имаше шуринъ царевъ боляринъ Семенъ Лукьяновичъ Стрешневъ.* Увѣда про онаго Савву, и повеле его привести предъ себя, и рече ему: «Хощеши ли, Савва, да приими въ домъ мой и немалой чести сподоблю тя?» Онъ же поклонися, рече ему: «Господине мой! Есть братъ у меня, поиду и вопрошу его. Аще повелитъ, съ радостию послужу тебѣ». Боляринъ же, нимало возвращавшися² ему, отпусти его, да вопроситъ брата своего. Савва же, пришедъ, повѣда сие мнимому брату своему бѣсу. Онъ же яростно рече ему: «Почто убо хощеши презрѣти цареву службу и хощеши служити холопу его? Ты убо и самъ нынѣ въ томъ же порядкѣ и чести, уже и самому царю знатенъ³ учинился еси. Егда бо царь увѣдаетъ верную твою службу, тогда и чиномъ повыше будешъ».

И по повѣлению цареву вси новобраныя салдаты разданы по стрелецкимъ полкамъ въ добавку. Той же Савва поставленъ бысть на Устретенки въ Земляномъ городе въ Зиминѣ приказѣ въ домѣ сотника стрелецкаго Якова Шилова. Сотникъ же той и жена его, благочестивы и благоразумны суще видя Саввина остроумия, зѣло почитаху его. Полки же въ Москве во всякой готовности ко отшествию во градъ Смоленскъ бѣху.

Во единый же день прииде бѣсь къ Савве и рече ему: «Брате Савва, поидемъ прежде полковъ въ Смоленскъ и увидимъ, что творять поляки, како градъ укрепляютъ и бранныя сосуды⁴ устроютъ». И абие объ едину нощь стали съ Москвой въ Смоленскъ, и пребываху въ немъ три дни, никому же видимы, а они всѣхъ

¹ превосходит; ² не запретив, не воспрепятствовав; ³ известен, ведом; ⁴ военные орудия.

видяху. И созирающе¹, како поляки градъ укрѣпляютъ на приступныхъ мѣстахъ, всякия гарматы² поставляютъ. В четвертый же день обяви бѣсь себя и Савву полякомъ. Поляки же, егда узрѣша ихъ, зѣло возсмѣтошася и начаша гнати за ними, хотяху уловити ихъ. Бѣсь же и Савва скоро избѣгша из града и притечоша к рецѣ Днепру, и аbie раступиша вода, преидоша оную великую реку, аки посуху. Поляки же много стреляху по нихъ, но ничимъ вредиша³ ихъ, глаголюще, яко «бѣсове суть во образѣ человѣка приидоша и бывше во граде нашемъ». Бѣсь же и Савва паки возвратиша в Москву и сташа у того же сотника Якова Шилова.

И егда же по указу государеву полки с Москвы поидоша под Смоленскъ, тогда той Савва з братомъ своимъ поиде. А надо всеми полками тогда быль командующимъ боляринъ Федоръ Ивановичъ Шеин.* На пути же бѣсь Савве рече: «Брате Савва! Егда убо под Смоленскимъ будемъ, тогда от поляков из града выедетъ единъ *исполинъ* и станет звати противника себѣ. Ты же не убоися ничего, изыди противу его. В другой же день паки выедетъ другой, ты же и того поразиши. В третий же день выедетъ из Смоленска *третий* поединщик⁴, ты же ничего убоися противъ его, вѣмъ убо, что и того поразиши, но и сам уязвенъ⁵ будеша от него. Аз же твою рану скоро излечу». И тако увѣривъ его, и приидоша под градъ Смоленскъ, ставше в удобное мѣсто.

По глаголу же бѣсову посланъ бысть из града нѣки воинъ *страшенъ* зѣло, на коне скакаша, из московскихъ полков противника себѣ зваша, и никтоже смѣяше⁶ противу его ехати. Савва же обявляеть себя в полках и глаголя: «Аще бы мне быль добрый конь, азъ бы пошел противу ево на брань»⁷. Другии же, его слышаше похваление, скоро возвестиша болярину о семъ. Болярин же, услыша, повелъ Савву привести пред себя и повелъ ему коня нарочита⁸ дати и оружие, и мнить, яко скоро имать погибнути от такого страшнаго воина. Савва же, по глаголу брата своего бѣса, ничтоже размышляя и ни бояся, выехал противу того богатыря и порази его, и приводить и с конемъ в полки свои, и от всехъ похваляемъ. Бѣсь же бѣдяше по нем, служаше ему и оружие его носяще.

Во второй же день паки выезжаетъ славны нѣки воинъ, иска себѣ противника. И паки выезжаетъ Савва противу его и скоро поражаетъ его, и вси дивляхуся храбости Саввиной. В третий же день еще выезжаетъ из града Смоленска нѣкий славны воинъ, паче первыхъ въ храбости, и ищеть себѣ сопротивника. Савва же уже того устрашишася, ехати противу того, однако же *по словеси* бѣсовскому немедленно выѣзжаетъ, и аbie полякъ той яростно напусти на Савву и уязви его копиемъ в лево стегно⁹. Савва же исправися, нападаетъ на поляка онаго и убиваетъ его, но и с конемъ в таборы привлече и немалъ зазоръ¹⁰ полякомъ учини. Потом же нача из града выходити и свалнымъ¹¹ боемъ битися.

¹ высматривая; ² пушки; ³ здесь: не ранили; ⁴ одиночный боец; ⁵ ранен; ⁶ не смел; ⁷ на битву; ⁸ отменного; ⁹ в бедро; ¹⁰ срам, поношение, позор; ¹¹ рукопашнымъ.

Савва же з братомъ своимъ с котораго крыла выезжahu, тамо поляки от нихъ не-возвратно бѣжаху. И многихъ убиваху, и тако от них бѣжаху, токмо слѣдъ свой показываху, сами же ни от кого ни малого повреждения себѣ, вреды, не имѣяху.

Слышав же боляринъ о храбрости Саввиной, не могъ скрыти гнева свое-го в сердце своемъ, призыва Савву к шатру своему и глагола ему: «Повѣждь ми, Савва, какова ты роду и чей есть ты сынъ?» Он же повѣда ему, яко ис Казани, Фомы Грудцына сынъ. Болярин же нача его нелѣпыми словами поносити^{*} и гла-гола: «Какая ти нужда в такой случай? Пришелъ еси к смерти! Азъ убо знаю отца твоего и сродниковъ твоих, яко безчисленно богатство имѣютъ. От какого гонения или скудости пришел еси ты семо? Сия глаголю ти: поиди в домъ роди-телей твоих и тамъ благодѣнствуй, с родителями своими пребывай. Аще же не по-слушаешь мене и услышу о тебѣ, яко здѣ имаши пребывать, то без всякаго милосердия здѣ имаши погибнуть, и главу твою скоро повелю мечемъ отсечи». И сия болярин изрече съ яростию.

Он же отиде от него, печаленъ бысть. И рече бѣсь к Савве: «Что убо, брате, печалуешися о семъ? Аще неугодна наша служба, поидем в Москву и тамо пребываемъ». И тако скоро отидоша в Москву и нача обитати в доме того же вышереченаго сотника. Бѣс же днемъ бываше у Саввы, в нощи же от-ходаше до пропасти адскаго, идѣже жилище ихъ, искони обычай окаянному пребывать.

И немалу же времяни минувшу, аbie разболѣся Савва, и бѣ болѣзнь его велми тяжка зѣло, и быти ему к смерти. Жена же онаго сотника, благоразумна суща и всякое попечение и прилѣжение имуша о Савве, и глагола ему многаж-ды, дабы повелѣль призвати иеря исповѣдати грѣхи своя, и причастилъ бы Святыхъ Христовыхъ Тайн, да некако в такой тяжкой скорби без покаяния умреть. Савва же отрицахшеся и глагола: «Аще и тяжко боленъ, но несть моя бо-лезнь к смерти». И день от дне болезнъ еще тяжщая бяше.

Жена же оная неотступно принуждаше его, дабы покаялся, и едва при-нудише Савву оная благоразумная жена. И повелъ Савва призвати священника. Жена же велѣ вскорѣ итти ко храму святаго Николы чудотворца, и по-велѣваетъ призвати тоя церкви иеря. Иерей же, нимало замедливъ, при-тече к болящему, бѣ бо священникъ же той мужъ благочестив и боялся Бога. И, пришедъ, нача молитвы покаянныя глаголати, якоже обычно. Егда же всемъ лю-демъ из храмины¹ изшедшимъ, иерей же нача болнаго исповѣдати.

И се внезапу зритъ болны: в храмину туювшедше множество бѣсовъ. Мнимый же его братъ, паче же рещи диаволовъ, прииде с ними, — не якоже че-ловѣческимъ образомъ, но существеннымъ² своимъ зверинымъ образомъ. И ста-созади всехъ бѣсовъ и зубы на нем скрежеташе, показуя ему богоотметное пис-мо, еже даде Савва у Соли Камской, и глагола бѣсь болящему Савве: «Зриши

¹ из хором, жилья; ² истинным.

ли, клятвопреступниче, что есть сие? Не ты ли писалъ еси? Или мниши, яко покаяниемъ хощешъ отбыти¹? Азъ убо великою силою мою подвигнуся на тя, и болѣе сихъ узиши».

Болны же, зря очевидно² ихъ, ово ужасаяся, ово же на силу Божию надеяся, и до конца все подробну исповеда священнику оному. Священникъ же онъ, мужъ святъ, обаче убояся онаго страха, зане людей во храмине единаго нѣсть, кроме болнаго. Гласъ же великъ слышаше от бѣсовския оные силы, и с нуждою³ с великою исповѣда болнаго и отиде в домъ свой, ничтоже никому же поведа. По исповѣди же оной нападе на Савву духъ нечисты и начать немилостивно мучити, ово об стену бияше, ово о мостѣ⁴, с одра его меташе на поль, ово храплениемъ⁵ и пеню давляше⁶, и всякими различными томлениемъ мучаше его.

Благочестивый же онъ мужъ сотникъ со благонравною и разумною женою видяше такое незапное на него от диавола нападение и несносное мучение, велми жалѣюще по юноше ономъ, но никакой же ему могутъ помочи подати. Бѣсь же день от дне на болнаго лютѣ нападаетъ и мучаше его, но и всем предстоящимъ тутъ ужасъ бывает. Господин же дому того, видя над собою такову необычную вещь, паче увѣдевъ⁷, яко юноша той Савва вѣдомъ и царю, но есть же у нихъ сродница, в дому царскомъ пребываше, и сия помысливъ, немедленно посылаетъ жену свою ко оной сроднице, повелеваетъ ей, да все подробно возвестила бы царю, да «никако бы, — рече, — Савва в таком зле умреть, а мы за то истязаны⁸ будемъ от царя, за неизвѣщение наше».

Жена же его, нимало помедливъ, скоро тече к сроднице своей, и вся повелѣнная от мужа по ряду сказа. Сродница же оная, яко слыша таковыя глаголы, умалися душою, ово бо болѣвъ по юноше, паче же скорбяше по сродникахъ своихъ, да некако и вправду от таковыхъ случаевъ бѣду приимутъ. И нимало помедливъ, скоро тече из дому своего до полатъ царевыхъ. И внидохъ, по времени донесла царю о семъ.

Царь же, слышавъ о Савве таковы глаголы, рече предстоящимъ, да бываетъ у онаго сотника, у болнаго онаго, повсядневное изменение⁹ караулщикъ. И посылаютца по два караулщика, да надзираютъ опасно¹⁰ юношу онаго от соннаго бѣсовскаго мучения, да во огнь или в воду никако ввергается. Сам же благочестивый царь посылаше к болящему повсядневную пищу. И егда здравъ болны явитца, повелѣваетъ возвѣстити себѣ.

И сему тако бывшу, болны немало время в таковомъ бѣсовскомъ томлении пребыть. И месяца июля в 1 день Савва же необычно от беса мучен бысть. Заспа мало, и бысть: во сне яко наяву глагола, изливая слезы из очей своихъ, сице рече: «О Всемилостивая Госпоже Дѣво Владычице Богородице, помилуй

¹ отделаться, избыть; ² явственно; ³ здесь: принуждая себя; ⁴ помост; ⁵ хрипением; ⁶ давил (душил) бес; ⁷ узнав; ⁸ наказаны, подвергнуты строгому допросу; ⁹ смена; ¹⁰ бережно, заботливо.

мя! Не соглу в сердце, но исполню обещанием, якоже обещаихся тебъ». Дому же того людие, слыша таковые глаголы от болнаго, зъло удивишаися, глаголюще, яко видение нѣкое видитъ.

Егда же болны возбудися¹, приступи к нему сотникъ и рече: «Повѣждь ми, господине Савва, что таковые глаголы во сне видевъ и кому рекль еси?» Он же, паки начать убо омывать лицо свое слезами, глаголеть: «Видехъ ко одру моему пришедшу жену святолѣпну, свѣтлостию сияющу и ризу багряну носяще, с нею же два мужа, сединами украшены, во одежде единъ в архиерейской, а другой во апостолской одѣяны. И я мню быти жену оную Пресвятую Богородицу, мужей же: единаго же наперсника² Господня Иоанна Богослова, втораго неусыпнаго града нашего Москвы архиерея Петра митрополита, их же подобия об разъ видель. И рече ми святолѣпная оная жена: „Что ты есть, Савва, и что скорбииши?” Азъ же рекль ей: „Скорблю, моя Владычица, прогневахъ Сына твоего и Бога моего и тебя, заступнику рода христианскаго, и за то бѣсь мучить мя”. Она же осклабися³ и рече ми: „Како ты можешь выручити писание свое, еже ты подал самому Диаволу?” И аз рекъ ей: „Не могу, Владычице, аще не помошю Сына твоего и твою милостию”. Она же ми рече: „Азъ убо о тебе Сына моего и Бога упрошу, токмо единъ мой глаголь исполни: аще избавлю тя от бѣды сея, хощеши ли инокъ быти?” Азъ же молебные глаголы со слезами глаголахъ ей, якоже и вы слышавше. Она же паки рече: „Слышиши ли, Савва? Егда убо приспѣет⁴ праздникъ явления образа моего, еже в Казани, ты же приди во храмъ мой, иже на площади у Ветошнаго ряду, и азъ пред всемъ народомъ покажу велие чудо”. И сия изрече, невидимы бысть».

Сия же сотникъ от Саввы слышавше, паки повелѣваетъ и посылаеть жену свою к вышереченной сроднице, дабы возвестила паки царю о семъ, и аbie возвѣщено бысть видение царю. Царь же повелѣваетъ хранити его.

И егда же прииде праздникъ Казанския Богородицы, что в Китае, * июля 8-го числа, и повелъ царь привести болящаго во храмъ ея, Пресвятая Владычицы нашея Богородицы, нарицаемая Казанская. Якоже николи⁵ же болев, поиде ко образу и падъ на землю и начать глаголати со слезами и сокрушениемъ сердца, рече: «О Преблагословенная и Преблагая, Честнейшая Мати Христа Бога нашего! Благодарю тя за неизреченное твое милосердие, яко избавила мя еси от погибѣли и настави мя, на путь покаяния обрати мя». Народу же зрящу на онаго Савву и слышавше глаголы его, удивишаися.

Царь же узрѣвъ его. И егда нача пѣти Божественную литоргию, а Савве лежашу среди церкви на ковре, и видевъ Савва пришедшу жену, в бѣлых ризахъ одѣянну, всякими лѣпотами сияющу, глагола ему: «Савва, отселѣ будеши здравъ; к тому не согрѣшай и повелѣние мое да исполни: буди инокъ». И с того часа получи Савва себѣ здравие, и се невидима бысть. И тако получи неизре-

¹ проснулся; ² любимца; ³ улыбнулась; ⁴ настанет, наступит; ⁵ никогда.

ченную славу Савва, и прииде во ум свой и не чающе болѣзни в себѣ, яко никогдя болѣ, и воста на нозѣ¹ свои.

Царь же рече: «Не сей ли трудившийся², еже по повѣлению моему присенъ бысть во храмъ?» Отвѣщав же нѣкто боляринъ его, стояще, яко «той есть Савва». Царь же повелъ его вопросити, како воста от таковыя тяжкия болѣзни. Вопрошенну же бывшу Савве, Савва же повѣдати о себѣ нача вся бывшая над нимъ, и о неизреченномъ чудеси явления образа Пресвятаго Владычицы нашея Богородицы, како избави его от тмы грѣховныя.

Царь же, благодаря Бога (возвѣщено о чудеси надъ онымъ Саввою) и Пречистую Богородицу, и возрадовася радостию велию. И какъ отпевше святую литоргию, Савва же нача молѣбное пѣние пѣти Пресвятѣи Богородице и, немного днѣй помедливше, прииде в церковь святаго архистратига Михаила и восприять монашеский чинъ и благодарив Пресвятую Богородицу. И поживъ лѣтъ довольно, и преставися, ко Господу душу предаде. Богу нашему слава нынѣ, и присно, и во вѣки вѣковъ. Аминь.

¹ на ноги; ² здесь: страдалец, измученный болезнью.